



**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

§. III. Quem valorem hodie habeant Gratiæ expectativæ?

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

vatorum pactis derogari non potest. *I. 38. ff. de Pact.* ita nec juramenti vis vim ei inferre debet, *cum juramentum, non* (*ut inquit Innocentius III. in c. 18. de Jurejur.*) *ut esset iniquitatis vinculum, fuerit institutum.* Hinc facilis jam redditur disparitas ad adductam paritatem pacti de hæreditate viventis, quod illa, juramento firmata valeant, et si alias juramento non adminiculante, nullius roboris sint, quia pactiones ejusmo-

di adversantur solùm dispositioni Juris Civilis, ac præterea privatis duntaxat præjudicant. Econtra promissio beneficii non vacantis offendit bonum publicum, & repugnat Sanctionibus Ecclesiæ, sive præceptis generalium Conciliorum, & Constitutionum Apostolicarum, cui proinde vim obligandi per SS. Canones ademptam, juramentum restituere non potest. P. Wiestner b.t. n. 13. cum Panorm. ad cap. 13. b.t. n. 3.

§. III.

Quem valorem hodie habeant Gratiae expectativæ?

S U M M A R I A.

9. *Gratiæ expectativæ per Concilium Tridentinum fuerunt cassate.* 10. *S. Pontifex gratias expectativas concedere quidem potest, sed regulariter non solet.*
11. *Canonici supernumerarii cum expectatione futuræ præbendæ stricto jure suscipi non possunt, contraria tamen consuetudo corruptela non est.* 12. *Innocentii III. Decisionem in cap. 19. de Præbend. Bæhmerus male interpretatur.* 13. *Similiter alteram ejusdem Decretalem in cap. 14. h.t. male à Bæhmero fuisse expositam, ostenditur.*

Gratiae expectativæ ex eo sic dicuntur, quod illi, quibus beneficia proximè vacatura promittuntur, eosque exspectare jubeantur, dum illa vacaverint, & tum demum effectum talium gratiarum consequantur. P. Reifestuel b.t. §. 3. n. 37.

Id genus gratias exspectativas & alias quascunque gratias ad vacatura beneficia cassavit, & abrogavit novissime Concil. Trid. Sess. 24. de Reformat. cap. 19. idque justissimis ex causis, quod scilicet ejusmodi gratiae exspectativas, non minus, ac aliæ promissiones nondum vacantium Beneficiorum votum captandæ mortis involvant. P. Wiestner b.t. n. 18. Et quia etiam aditus præ-

cluditur dignioribus, dum vacant, ac insuper litibus causam præbent. Van-Espen *J. E. V. part. 2. tit. 23. cap. 2. num. 1.*

Quæritur I. An S. Pontifex gratias exspectativas concedere valeat? Respondeo regulariter, & de via ordinaria S. Pontificem tales gratias concedere non solere, de via tamen extraordinaria, & utendo plenitudine suæ potestatis concedere posse. Ratio quoad priorem partem est, quod SS. PP. decreta Concilii Tridentini exactè observare soleant, cum igitur Tridentinum ejusmodi gratias exspectativas voluerit esse abolitas, decreto huic, quod ipsa Pontificali auctoritate firmatum est, Summi Ponti-

B b 3

fices

fices regulariter contravenire non solent. Accedit altera ratio, quod æquè in his gratiis exspectativis periculum voti captandæ mortis non quidem formaliter, vel causaliter, sed occasionaliter tamen subsit, ac in aliis reservacionibus specialibus, ac promissionibus beneficiorum non vacantium.

Probatur etiam quoad secundam partem: Pontifex est supra Concilium, & super omne ius humanum. cap. 4. b.t. ideoque plenitudo suæ potestatis, quam immediate à Christo accepit, per Concilium restringi non potuit, utpote quod ipsum omnem vim, ac robur suum ab authoritate Romani Pontificis accipit, & in suis decretis authoritatem Pontificis patenter excipit. Conc. Trid. Sess. 25. de Reform. cap. 21. inquiens: *Omnia, & singula, quæ de morum reformatione, atque Ecclesiastica disciplina in hoc sacro Concilio statuta sunt, ita decreta fuisse, ut in his salva semper autoritas Sedis Apostolicae & sit, & esse intelligatur.* Hac ipsa tamen plenitude potestatis, nisi ex causa urgentis necessitatis, vel publicæ utilitatis, S. Pontifex uti non solet, sed ordinariè Conciliorum statutis se conformat. Et ideo, si quis impetrat beneficium contra hanc constitutionem conciliarem, sine expressa ejus derogatione, vel revocatione, rescriptum ob-aut subreptitum censetur, non ob defectum potestatis Papalis, sed voluntatis, quia Papa à jure communi, recedere voluisse nunquam præsumitur, nisi exprimat; nec solet exprimere, nisi ex causa justissima, prout Gonzal. ad reg. Cancell. 8. §. 1. Proœm. num. 60. in præsenti casu post Concil. Trid. nonnisi unicam gratiam exspectativam miraculosè quasi uni Clerico

concessam testatur, quod tantò magis locum habet in Germania ob concordata dictæ nationis, in quibus Pontifex expressè promittit, quod Ordinarios collatores in mensibus alternis, suæque collationi relictis per quamcumque aliam reservationem, gratiam exspectativam, aut quamvis aliam dispositiōnem gravare nolit.

Quæres II. An, salvo decreto Concil. Trid. Canonici supernumerarii cum exspectatione futuræ præbendæ recipi possint? Respondeo non posse, ita declarasse S. Congregationem Cardinalium refert Gonzalez d. l. n. 67. Quia tamen passim in Ecclesiis Germaniæ consuetudo invaluit, ut plures supernumerarii Canonici cum exspectatione præbendæ recipiantur, corum quoque nomina Calendariis jam inserantur, hinc pro justificanda hac consuetudine dicendum est, eam eatenus valere, quantum receptio Canonici supernumerarii fit purè, & simpliciter, sine speciali, & expressa promissione præbendæ proximè vacaturæ, textus sunt in cap. 19. & 22. de Præb. Nec quidquam officit, quod Canonico supernumerario debit conferri præbenda proximè vacatura. cap. 9. de Præbend. Id enim non ex promissione facta fluere, sed ex dispositione juris, quæ Canonico tali provideri de Præbenda mandat, propter connexionem, quam Canonia ad Præbendam videtur habere, quia videtur indignum (ait Pontifex in cap. 19. de Præbend.) ut receptus in Canonicum Præbendæ beneficio fraudetur. Panorm. ad cap. 9. de Constit. n. 29. Fagn. ad cit. cap. num. 63. P. Reiffenst. b.t. num. 26. & seqq.

Contra hanc Pontificis Decisionem¹² in-

insurgit Bœhmerus, dicens *§. 4. b.t.* quod Innocentius III. in hac sua Decretali factum sibi propositum simul approbet, & reprobet. Casus erat iste: Ex mandato Papæ alicui in Ecclesia Liconensi beneficium, sive præbenda fuit assignata, sed, cum Capitulum ipsum nolle admittere, interventu Legati Apostolici compositio inter dictum beneficiarium, & Capitulum taliter facta est, ut is reciperetur in Canonicum, concessa sibi stallo in choro, & participatione qualibet Divinorum, addita promissione, quod præbendam proximè vacaturam reciperet, modo interim à fructuum perceptione alicujus præbendæ abstineat. Quoniam verò prædictum Capitulum nullam ex post vacantibus præbendis eidem contulit, sique promissi fidem infregit, re ad S. Pontificem delata, Innocentius III. ita rescripsit: *Cum ergo dictum (beneficiariū) in Canonicum recipi, Canonicis non obviat institutis, & vacaturam expectare præbendam Lateranensi Concilio non sit dubium obviare, nos facto ejusdem legati illicito reprobato, quod est licitum, approbantes: quia videtur indignum, ut receptus in Canonicum Præbendæ beneficio defraudetur: mandamus, quatenus dictos Episcopum, & Canonicos, ut ei præbendam (cùm se facultas obtulerit) non differant assignare, appellatione postposita compellatis.* Bœhmeri hac super Decretali sensum jam refero. Quid verò hoc rei est? inquit, an non Pontifex mutatis tantum verbis, idem injungit, præcipit, jubet, quod Episcopus Canonicus, sine Præbenda recepto, promiserat? Hic præbendam promisit, CUM PRIMUM VACAVERIT, Pontifex jubet, ut ei Præbenda conferatur, CUM

SE FACULTAS OBTULERIT: facultas verò conferendi se non aliter offerit, quām ubi Præbenda vacat. Ita simul reprobat, quod factum est, & simul decisione sua approbat. Hæc sub lucis crepusculum, die jam advesperascente, Bœhmerum scripsisse non vanus auguror, adeò nil lucis habet hæc crīsis. Distinctione potuisset sibimet has nebulas abigere, si advertisset, aliam esse provisionem de beneficio vacaturo, quæ fit ex dispositione *hominis*, aliam, quæ fit ex dispositione *juris*. Priorem, Concilio Lateranensi obviantem reprobavit Pontifex, quia per hujus Concilii Canonem omnes promissiones, & pactiones circa beneficia vacatura prohibentur. Posteriorem, cùm jus ex receptione in Canonicum beneficiario ad præbendam quæsum sit cap. 9. de Præbend. Innocentius admisit, sique ut ait Fagnan. *ad cit. cap. 19. de Præb. num. 7.* approbavit finem, scilicet consecutionem præbendæ, sed reprobavit modum, scilicet mediante promissione. Estne hoc unum idémque factum sub eodem respectu approbare, & reprobare?

Aliam priori similem Bœhmeri critici accipe. Innocentius III. in *cap. 14. b.t.* dicit, aliud esse, si Prælatus promittat beneficij collationem cùm poterit, sive, cum facultas se obtulerit, & aliud, si promittat beneficium, cum vacabit. Hanc obviare Decretis Lateranensis Concilii, non priorem ait, addita hac ratione: *Cum in multis casibus se facultas offerre posset, in quibus collatio non esset in expectatione vacaturi beneficij differenda, veluti (jam interpretem nostrum audiamus) si per testamen- tum, vel aliam fundationem interim no-*

va

va erigatur præbenda, ad quam talis Canonicus admitti debet, adeoque ex Philosophia hujus Pontificis dici nequit, tamē Canonicum esse assumptum cum expectativa ad vacaturum beneficium. Hac subtili Philosophia revera destruitur, quod contra Concilium Lateranense esse ipse adseveraverat. Rarius forsitan contingit, ut interim nova præbenda erigatur, frequenter vero, ut erecta vacet. Qui itaque sub hac clausula: *CUM PRIMUM FACULTAS SE OBTULERIT, receptus est in Canonicum, magis posteriorem, quam priorem expectat casum;* & in effectu expectativam habet. O te fallacem interpretem! Putasne unum tantum modum superesse, eumque rationalem, scilicet erectionem novæ præbendæ ad quem Pontifex respexit videatur, dum illam duntaxat promissionem ratam esse vult, qua promittitur beneficium, cum facultas se obtulerit. Erras profectò & quam longissimè à mente Pontificis aberras. Sunt equidem plures alii modi, in quibus beneficia vacare contingit. Ita vacant beneficia per resignationem, depositionem, translationem, postulationem, beneficiorum divisionem &c. in quibus omnibus, facultas conferendi non infrequenter se offerre potest. Unde promissionem sub tali clausula factam, si facultas se obtulerit cum non præcisè expectetur mors alterius, consequenter nec votum captandæ mortis inducatur, Pontifex approbavit, alteram, sub clausula: *cum vacaverit, tanquam SS. Canonibus inimicam rejicit.* Hæc fuit mens Pontificis, hic sensus dicti Canonis. Jam prudens Lector arbitretur, utrius melior sit Philosophia, *Innocentii III.* Pontificis, an *Bæhmeri?* De Philosophis sic quondam Lactantius lib. 3. de fals. sapient. Non est, quod Philosophis tantum honoris habeamus, ut eorum eloquentiam pertimescamus. Loqui enim bene potuerunt, ut homines eruditæ, verè autem loqui nullo modo. Cur ita? rationem idem Lactantius reddit lib. un. de Offic. DEI. Quoniam sunt ad perturban- dam veritatem perniciosi, & graves. Hæc Bæhmero in aurem.

T I T U L U S IX.

Ne Sede vacante aliquid innovetur.

NE mortuo Prælato Capitulum quidquam statuat in præjudicium successoris, hoc Titulo cavetur, similiisque, quid Capitulum Sede vacante possit, aut, quid non possit, sub hac Rubrica declaratur.

§. I.